

*Sommaire du proces d'entre Sœur Marie Dicard Religieuse professe, Prieure du  
Prieuré Conventuel Sainte Marie, Saint Gilles, & Sainte Catherine  
Darboras les Montpellier.*

*Contre Catherine de Vaux, soy disant pouruene dudit Prieuré.*

**L**EDICT Prieuré a esté resigné en l'année 1600. en Iuillet par feuë Claire de Sarret derniere titulaire à ladicte Dicard, lors Religieuse professe à Sainte Clere Darles ordre des Cordeliers, receuë à probation & Nouiciat par acte de l'année 1580. & a profession en l'année 1588. depuis transferée par l'indul de nostre S. Pere au Monastere saint Guillen de Montpellier, ordre saint Dominicque soubz saint Augustin, & a iceluy esleuë soubz-Prieure, ayant la mort de ladicte de Sarret, empesche l'effect de ladite resignatiõ, & du breuet obtenu sur icelle pour ladite Dicard.

Ladicte de Vaux (ieune fille seculiere & profane) recourt aux ouuriers de Montpellier, qui pretendent droict de nomination audit Prieuré, & est par eux nommée le 9. Septembre 1600. le 16. dudit mois, fait vne pretendue profession deuant vn nommé Fiolon, Carme, soy disant Vicaire de monsieur de Montpellier, le 17. dudit mois prend collation dudit Prieuré d'iceluy Fiolon, & est par luy le mesme iour mise en possession: & recognoissant ladicte nomination non soustenable, recourt au Roy, & obtient breuet par le decez de ladicte de Sarret: en suite d'iceluy, Bulles & prouisions de Rome.

Ladicte Dicard obtient autre breuet du dernier Nouembre 1601. confirmant le premier, & en tant que besoin seroit (luy donnant de nouveau) tant comme vacquant par la mort de ladicte de Sarret, que en autre façon qu'il vacquast, avec reuocation de tous autres dons obtenus par surprinse, & sur iceluy elle obtient prouisions de Rome tant sur ladicte resignation que comme vacquant par mort, ou en qu'elle autre façon que ledict Prieuré vacquast, laquelle clause s'entend par toute sorte de vaquation.

Le Conseil à desia veu lesdites prouisions, & preingé le droict de ladite Dicard, luy ayant adiugé vne pension sur ledit Prieuré, auparauant mesmes qu'elle eust iustificié la nullité des prouisions de ladicte de Vaux, l'incapacité & irregularité de sa personne.

Au breuet de ladite de Vaux du mois d'Aoust 1600. elle est qualifiée Religieuse, & par sa bulle elle expose faulcemēt qu'elle est *in tricesimo etatis sue anno, & ante quinq; annos professa in monasterio Sancti, spiritus bittarrensis*: Ceste bulle est nulle, vitieuse, & abusive, s'il y en eut iamais. Et mesmes le breuet du Roy est obtenu par vne mensonge & supposition manifeste: Car lors de l'impetratiõ d'iceluy, elle n'estoit n'y Religieuse n'y auoit affection de l'estre; pour ce que iamais elle n'estoit entrée en monastere pour y prendre le voille, faire Nouicia & an de





probation: Tellemēt, que n'ayant la capacité lors de la nominatiō, encores qu'elle fust suruenue depuis, elle n'a pas vn fait retroactif *præcipue in præiudicium alterius*, attēdu qu'en matiere de benefices reguliers, il faut *ab initio & primordiu* auoir la capacité *cap. si in tēpore de rescript. in 6.*

Le Conseil la iuge en ce semestre contre vn Religieux de saint Aurene d'Aix, nommé Domp Iean Ceres, lequel auoit esté receu audit Prieuré, dés l'année 1581. en consequence d'une prebende monachalle qui luy auoit esté rassignée: Neantmoigs ayant esté pourueu d'un Benefice de ladicte Abbaye, pour ce qu'il n'auoit esté profex que depuis sa prouisiō, biē qu'il eust obtenu arrest de recreāce au Parlemēt de Thoulouze, & depuis arrest de pleine maintenüe, le Conseil cassa lesdis deux arrest en ce, se mestre au raport de mōsieur de Miramion.

Ainsi donc pour le regard de sa nomination du Roy, ladicte de Vaux estoit incapable, mais sa bulle est pleine d'abreptions, de men songes inexcusables, en ce qu'elle expose qu'elle estoit *in tricesimo ætatis sue anno*, & *ante quinque annos professa in monasterio bitetrensis*: ce qui est iustificié faux par le pretendu acte de profession qu'elle fist à Montpellier le 16. de Septembre 1600. pardeuant ledit Fioulou: Car suppose que cēt acte demeure pour vne valable professiō (ce que non toutes fois:) Neantmoins il est vray de dire qu'entre ledit acte & l'obtention de sa bulle, il n'y a pas six mois, & sic il est faux d'auoir (non pas exposé,) mais suppose au Pape que *ante quinque annos professa fuisset*.

Elle à bien recogneu ceste enorme obreptiō, l'ayant voulu rabiller par vn *perindeuallere* depuis le droict acquis à ladicte Dicard: Mais cōmel'on dit *rous error peior fuit priori*: car elle a par ce nouveau rescrit imposé au Pape qu'elle s'estoit mesprise, disant qu'elle auoit 30. ans, & qu'elle n'en auoit que 25. Ce que toutesfois elle ne iustifie point, & *illi facies anno cōputat*, & que ledit Prieuré est simple: non cōuentuel.

Mais la faute est beaucoup plus grande en ce qu'elle dit par le susdit *perindeuallere*, qu'elle estoit à *duobus annis professa in monasterio bitarrensi*: & toutes fois par ledit pretendu acte de profession du 17. Septembre 1600. il appert qu'elle n'a iamais esté faicte professe à Beziere, puis qu'elle dit l'auoir faict à Montpellier.

Afin de couvrir le deffaut de Nouiciat, & au deprobatation qui est requis auparauant la profession, à peine de nullité, non seulement par les canons, mais par l'ordonnance du Roy Henry III. elle a obtenu quelques attestations, tant de l'Abesse de Bezieres, que d'aucuns qui se disent visiteurs des monasteres de ceste ordre: Mais ladite Dicard à produit de nouvelles pieces, par lesquelles il appert par la fondation dudit mostere sainct Esprit de Beziere, que nulle fille ne peut estre receuē ny vestue, que par le consentement del'Euesque & des Doyens, Chanoines & Chapistre de Bezieres, à qui la visite dudit monastere appartient, desquels ladicte Dycard rapporte vne declaration, que depuis 7. ans passez nulle fille n'a esté receuē ny voillée audit monastere: Tellement que les susdictes declarations sont faulces & fabri-



quées par personnes, sans pouuoir depuis ledit temps.

Quant au pretendu droit de nomination des ouuriers, ladicte Dicard par le texte de la fondation, monstre que la nomination ne leur en appartient en aucune façon: mais que le fondateur a voulu que l'Eslection del' Abesse ou Prieure appartienne perpetuellement aux Religieuses, les clauses sont si expressees & frequentes, que la prolixité empesche de les incerer, aussi celles qui ont esté nommées par le Roy l'ont tousiours emporté sur celles qui se sont voulu preualoir de telle pretendue nomination d'ouuriers, qui seroit abusue & extraordinaire par le *chap. nobis de iure patro.* où il est dit que *patronus non eligit in Ecclesia conuentuali*: Mais quand il seroit vray que lesdits ouuriers auroient ledict droict de nomination (ce que non) ilz l'auroient perdu par deux moyens notoires, & verifié au proces en ce qu'il est prouué qu'ils ont vendu à deniers content, par present banquets & autres corruptions, ledict droict de nomination au pere de ladicte de Vaux, & nommé vne incapable. L'autre que lesdits ouuriers sont des iardi-  
niers & tisserrants *magni profecto quiritas*, qui sont de la Religion pretendue reformée, & sic, il auroient perdu ledict droict de nominatiō, estans incapables de nommer à vne fonction monastique & Ecclesiastique, eux qui en sont ennemis & destructeurs, qui mesme ont abbatu ledit monastere & Eglise sainte Catherine, qui auoit esté basty du Legat dudidt Brenguier. Que si en termes precix de droict Canon, l'on tient que le patron *qui sciens eligit indignum vel minus idoneum pro ac iure priuatur commodo, & iure presentandi*. A plus forte raison lesdits ouuriers ont perdu ceste faculté *defectione fidei & cultus orthodoxi*.

Ladicte Dicard adiousté aux susdictes nullitez, obreptions & fausfetez qui sont au breuet Bulle & *perinde uallere*, de ladicte de Vaux, Deffau de Nouiciat & profession plusieurs irregularitez & incapacitez qui sont en sa personne, lesquelles sont verifiees au proces, il est vray quelle a voulu encores faire vne supposition sur la fondation, disant que le fondateur a voulu que toutes les moniales fussent originaires & natifues de Mont-pelier, combien que cela ne soit point imposé par ladicte fondation estant vne ampliation abusifue de l'Euesque, qui est contre les saints decrets & canons qui ouurent la porte des Monastere à toutes personnes, sans distinction de pais & de nation aussi, les precedentes titulaires, comme ladite de Sarret estoit du lieu de fabregues, & Claude de Borne titulaire auant ladicte de Sarret estoit du pays de Viuarois distant de plus de 30. lieues de Mont pelier, & de fait ladite de Sarret fut maintenue par Arrest du Conseil en l'an 576. produit par ladicte de Vaux, qui mōstre deux choses, l'vne que n'estât point de Mont pelier, elle a esté maintenue, l'autre qu'ayât esté nōmee par le Roy, elle emporta le benefice cōtre vne nōmee François du Grin, qui auoit esté nōmee par tous lesdits ouuriers.

Or ladite de Vaulx en l' Arrest qu'elle a obtenu le 14. Mars dernier, entre autres surprinses en a fait deux notables, la premiere que sup-



posant au Conseil que les tesmoins de ladite Dicard n'auoit esté iurés elle a faict mettre son enqueste en vn sac à part, par Arrest, du 13. Decembre 1604. contre lequel Arrest elle a incidamment obtenu Requête Ciuille, pour fondemēt de laquelle elle produit le proces verbal qui porte la iurande desdits tesmoings.

L'autre est qu'elle à faict receuoir son enqueste, jaçoit que ladicte Dicard n'aye iamais esté assignee n'y a personne n'y a domicile: & de fait, le Conseil à cassé l'Arrest de ladicte reception, & neantmoins au fonds la maintenue sans quelle aye rien rapporté de nouveau que ce qu'auoit esté veu en l'Arrest interlocutoire qui auoit reduit le proces en faits, & desire vne preuue de part & d'autre, de maniere qu'ayāt ladite enqueste esté reiettee, qu'elle raison peut-il y auoir d'auoir debouté ladicte Dicard, veu mesmes que par ledit Arrest du dernier Septembre 1603, le Conseil auoit tant recogneu de iustice en sa prouision qu'il luy auoit adiugé vne portion.

Ladicte Dicard pour ses ouuertes de Requête Ciuille, à remonstré qu'elle auoit formé inscription en faux contre les attestations par lesquelles ladite de Vaulx, disoit auoir deux ans auparauant son breuet esté receuë Religieuse audict Monastere de Besiere, que sur ceste inscription, elle n'a instruit n'y estre forclosé, que par ledict Arrest du 14. Nouembre le Cōseil n'a point prononcé encores que telle inscription fust dessiue pour ce qu'estāt vray qu'elle n'aye point esté Nouice audit Monastere, auparauant qu'elle fut nommee, soit par le Roy, soit par les ouuriers & pretenduë profession, il est certain que ce seul deffaut de capacité monastique annullé ses prouisions, *at qui*, par les moyens deffaux qu'a baillé ladicte Dicard, elle iustifie la fausseté desdites attestations, & encores plus par les nouuelles pieces qu'elle à produictes.

A ce ladicte Dicard adiousté, qu'estant question en cest affaire des droits du Roy, qu'on veut supprimer par la pretenduë nomination desdits ouuriers le proces n'ayant esté communiqué à Monsieur le Procureur General protecteur des droits de sa Majesté, c'est vne ouuerture indubitable de Requête Ciuille & de fait si l'Arrest demeure à l'aduenir en consequence d'iceluy, le Roy sera frustré de sa nomination & lesdits ouuriers demeureront maintenue en icelle, pour ce que par les contestations, de tout le proces, & encores à present en l'instance de Requête Ciuille, ladicte de Vaulx à tousiours soustenu que ladicte nomination appartient ausdits ouuriers, & ladicte Dicard au contraire, de sorte que la premiere vaquation en consequence du dict Arrest, & contestations celle qui sera nommé par lesdits ouuriers l'emportera, ainsi donc, il s'agist ouuertement du droit du Roy, lequel concistant en la personne de ladicte Dicard, ceste obmission & deffaut de communication, luy sert d'ouuerture indubitable, en la presente Requête Ciuille.

Parrant persiste ladicte Dicard.

